

Ljós & lampar

MIÐVIKUDAGUR 20. SEPTEMBER 2017

Kynningar: Húsasmiðjan Bauhaus Pfaff



Neytendur ættu að vera vakandi gagnvart ódýrum LED-lausnum vegna slakra gæða, sérstaklega þegar kemur að birtustigi og líftíma,“ segir Egill Bjarnason sölumaður. MYND/VILHELM

Eitt mesta úrval landsins í Húsasmiðjunni

Lýsingarmarkaðurinn gengur nú í gegnum grundvallarbreytingar um allan heim og tækniþróun og nýjungar hafa aldrei verið hraðari. Notkunarmöguleikar ljósgjafa hafa á sama tíma aldrei verið fjölbreyttari og í dag er ljós nýtt við aðstæður sem ekki voru mögulegar fyrir nokkrum árum. ➔?

Framhald af forsiðu →

Alls staðar leikur lýsing stórt hlutverk og hefur áhrif á líðan okkar og öryggi. Röng lýsing getur ekki einungis haft slæm áhrif á skapsmuni fólks heldur líka á rafmagnsreikninginn! Á flestum stöðum er hægt að minnka orkunotkun um 40-50% og samt bæta lýsinguna. Það sem skiptir höfuðmáli er að hafa rétta lýsingu, á réttum stað og á réttum tíma,“ segir Egill Björnsson, sölumaður Húsasmiðjunnar í Skútuvogi.

Því er ljóst að ýmislegt þarf að hafa í huga þegar kemur að vali á ljósgjöfum. „Valkostirnir, úrvalið og möguleikarnir hafa aldrei verið meiri og þá skiptir miklu máli að huga vel að þeim gæðum, ábyrgð, verði og ljósgæðum sem krafist er. Þar kemur þekking, reynsla og þjónusta starfsmanna Húsasmiðjunnar til sögunnar.“

Neytendur séu vakandi

Egill segir mjög mikilvægt að neytendur séu meðvitandi um þær reglugerðir sem gilda varðandi LED-ljósgjafa. „Á markaðnum í dag má finna töluvert af LED-ljósgjöfum sem uppfylla ekki þau lög og reglugerðir sem í gildi eru. Það getur því reynst erfitt fyrir neytendur að átta sig á því hvort varan sem þeir hyggjast kaupa uppfylli gæðakröfur. Neytendur ættu að vera vakandi gagnvart ódýrum LED-lausnum vegna slakra gæða, sérstaklega þegar kemur að birtustigi og líftíma.“

Samstarf við Philips

Húsasmiðjan hefur hafið sölu á ljósum og ljósaperum frá hollenska stórfyrirtækinu Philips. Ljósadeildirnar í öllum verslunum Húsasmiðjunnar hafa verið teknar í gegn og endurnýjaðar og úrvalið stóraukið. Verðlagið er einnig mjög hagstætt.

„Við erum mjög spennt fyrir því að vera komin í samstarf við Philips en þeir eru stærsti ljósaframleiðandi í heiminum og leiðandi aðili í nýjungum og tækni á sínum markaði,“ segir Egill.

„Úrvalið, gæðin og verðið sem Philips býður upp á er einstakt og varla til það ljós sem Philips selur ekki. Að auki verður ljósunum reglulega skipt út og nýjustu ljósin alltaf til sölu í verslunum. Við leggjum áherslu á að vera með breitt og gott úrval af ljósum og lömpum, bæði ódýr ljós og dýrari svo allir ættu að finna ljós sem hentar þeirra kröfum,“ segir Egill. Þá bjóði Húsasmiðjan gríðarlegt úrval ljósapera.

Úrval lýsingalausna

„Húsasmiðjan er einn stærsti seljandi ljósapera á Íslandi og býður gríðarlega mikið úrval af perum og lýsingarlausnum. Í Húsasmiðjunni í Skútuvogi er ein stærsta peru-deild landsins þar sem hægt er að



Úrvalið, gæðin og verðið sem Philips býður upp á er einstakt.



Mohair ljósið frá Philips er afar vinsælt. MYND/PHILIPS

finna flestar perur sem notaðar eru á heimilinu í dag,“ segir Egill.

„Philips hefur aldrei boðið upp á eins mikið úrval af LED-perum og nú, sem eru fánlegar með mismunandi styrkleika, ljóslit, form og sökkla. Nú er hægt að fá LED-perur með klassisku „glóperuútliti“ sem fólk þekkir og man eftir. Þessar nútímalegu perur gefa frá sér mjúka og hlýja birtu og skapa hlýlegt og þægilegt andrúmsloft í hvaða umhverfi sem er,“ útskýrir Egill. Á meðal nýjunga frá Philips eru LED-perur sem kallast WarmGlow. „Þessar perur gefa frá sér einstaklega hlýja, hvíta og mjúka birtu, svipaða þeirri sem hefðbundnar halogen- og glóperur gefa frá sér. Með því að dimma þær er hægt að ná fram enn þá hlýrri og mýkri birtu en áður hefur náðst með LED-perum. WarmGlow perurnar eru fánlegar í nokkrum útfærslum.“

LED-perur í glerútliti

Sú breyting hefur einnig orðið á nýjum LED-perum að þær líta alveg eins út og eldri tegundir af halogenperum úr gleri, að sögn Egils. „Hingað til hefur verið nokkur útlitsmunur á þessum perum þar sem LED-perurnar hafa verið með eins konar plastútlit. Þær LED-perur sem nú eru komnar á markað líta hins vegar nær alveg eins út og eldri halogenperur úr gleri. Nú verður því hægt að ná fram allt að 80% orkusparnaði án þess að gera málamiðlun í útliti.“

Ráðgjafar frá Philips

„Laugardaginn 23. september verða sérfræðingar frá Philips staddir í Húsasmiðjunni í Skútuvogi og veita ráðgjöf um perur og lýsingu. Við hvetjum því alla til að koma og sjá nýtt og betra úrval hjá okkur og fá ráðgjöf sérfræðinga um leið.“



Húsasmiðjan hefur hafið sölu á ljósum og ljósaperum frá hollenska stórfyrirtækinu Philips.



Laugardaginn 23. september verða sérfræðingar frá Philips staddir í Húsasmiðjunni í Skútuvogi.

Taktu stjórnina!

Kynntu þér IKEA ljósastýringu

Veldu lýsingu fyrir morgnana, aðra fyrir kvöldin og þá þriðju fyrir matreiðsluna eða heimavinnuna. Deyfðu, slökktu, kveiktu og skiptu úr heitri yfir í kalda birtu með fjarstýringunni eða appinu.

© Inter IKEA Systems B.V. 2017



Sæktu TRÅDFRI appið til að stýra ljósunum með símanum þínum

11.950,-/4 í setti

TRÅDFRI ljósastýringasett

Inniheldur: Gátt, fjarstýringu og tvær LED perur E27 980 lúmen



Verslun opin **11-21** alla daga - Veitingastaður opin 9:30-20:30 - www.IKEA.is



Einstök ljós frá Danmörku

Facebook-síðan Klassísk dönsk hönnun hefur að geyma notaðar danskar hönnunarvörur frá árunum 1960-1970. Þar er að finna mikið úrval antik-ljosa sem valin eru af kostgæfni.

Vera
Einarsdóttir
vera@365.is



Þau Jacob Hillebrandt og Sigrún Baldursdóttir standa að baki Facebook-síðunni Klassísk dönsk hönnun. Jacob er grafískur hönnuður og Sigrún fatahönnuður og hafa þau bæði óbilandi áhuga á alls kyns hönnun. Jacob hefur verið viðriðinn antikgeirann í Danmörku síðastliðin tíu ár. Það sem heillar hann helst við eldri hönnun er hversu mikið var í hana lagt og að hlutunum fylgi saga. Hann hefur nokkrum sinnum ferðast um Ísland og langaði að koma vörum sínum inn á íslenskan markað. Hann komst í kynni við Sigrúnu, sem er búsett í Danmörku, og ákváðu þau að leiða saman hesta sína.

„Jacob á orðið virkilega flottan lager af vörum og mér þótti spennandi að vita hvort áhugi væri á þeim hjá íslenskum neytendum. Úr varð Facebook-síðan Klassísk dönsk hönnun og hefur henni verið vel tekið,“ segir Sigrún.

Á síðunni er aðallega að finna hönnun frá 1960-1970. „Þetta eru allt vörur eftir þekktu hönnuði sem voru framleiddar í takmörkuðu upplagi á sínum tíma. Við ákváðum að byrja með hengiljós og lampa, en hyggjumst bæta við fleiri hlutum þegar fram liða stundir,“ upplýsir Sigrún. Hún segir Jacob hafa reynslu af því að yfirleitt sé mest eftirspurn eftir notuðum ljósum. „Louis Poulsen PH5 hengiljósið er til dæmis afar klassískt og hefur hingað til verið vinsælast.“


Sigrún segir það koma sér vel að Jacob er þekktur innan antikgeirans í Danmörku. „Hann fær reglulega símtöl frá fólki sem vill selja úr búinu sínu og sömuleiðis frá eldra fólki sem er að losa sig við búslóðir. Þá fylgjumst við vel með þegar ódalsbýli eru með antik-sölu og keyrum vítt og breitt um landið til að nálgast eftirsóttan varning.“

Að sögn Sigrúnar liggur talsverð vinna og grúsk á bak við það að finna réttar vörur enda leggja þau Jacob ríka áherslu á að selja einungis upprunalega hönnun sem er með stimpli eða öðrum einkennum sem sanna það að ekki sé um eftirlíkingu að ræða. „Þá kaupum við aðeins vörur í góðu ásigkomulagi.“ Aðspurð segir hún þau líka fá fyrirspurnir um að leita uppi eitthvað sérstakt og gera þau sitt besta til að uppfylla slíkar óskir.


Meðal ljosa á síðunni er verðlaunaljósið Hekla sem var hannað á Íslandi en framleitt í Danmörku. „Jacob hafði lengi leitað að því enda heillaður af hönnuninni. Hann komst loks í samband við eldri færeyska konu sem býr í Danmörku. Hún hafði erfð það eftir foreldra sína og fengið sent til Danmerkur. Hún var að grynka á búslóðinni og vildi gjarnan láta það frá sér. Okkur þætti frábært ef það myndi eignast heimili á Íslandi.“

Meðal nýjunga á síðunni eru svo stytur eftir Bing & Grøndahl. „Þær finnast gjarnan í hillum hjá ömmum og öfum og eru farnar að verða afar vinsælar í Danmörku á ný,“ upplýsir Sigrún. „Við munum svo halda áfram að koma fólki á óvart með fálægum sérvöldum vörum.“

Áhugasamir geta verið í sambandi í gegnum Facebook eða netfangið kdh.vintage@gmail.com



Jacob og Sigrún hafa bæði óbilandi áhuga á alls kyns hönnun. MYND/VALDIMAR GEIR HALLDÓRSSON



DIVAN 2
Hönnuður: Simon Henningsen, 1960. Framleiðandi: Lyfa



KONKYLIE
Hönnuður: Louis Weisdorf, 1960. Framleiðandi: Lyfa




Meðal nýjunga á síðunni eru stytur eftir Bing & Grøndahl.

HEKLA
Hönnuður: Pétur B. Lúthersson & Jón Ólafsson, 1962. Framleiðandi: Fog & MCrup



PANTON, FLOWERPOT
Hönnuður: Louis Poulsen



PENDANT
Hönnuður: Bent Karby fyrir Lyfa

Öll verð eru birt með fyrirvara um prentvillur og/ eða myndabrengl.
Tilboð gilda til 16. október eða á meðan birgðir endast.



Brilliant

GITTER loftljós.
Svart, E27, 17x25cm.

4.496 kr.

52238125
Almennt verð: 5.995kr.



AMBER loftljós.
Gler, E27, 17x23,5cm.

8.996 kr.

52238388
Almennt verð: 11.995kr.



Brilliant

OSRAM LED.
8W, E27, 2700K.

596 kr.

54194572
Almennt verð: 795kr.

LJÓS OG PERUR

25%

AFSLATTUR

OSRAM LED snúin
kertapera. 2W, E14, 2700K.

1.271 kr.

54194704
Almennt verð: 1.695kr.



SILENCE loftljós.
Hvitt, E27, 40cm.

14.996 kr.

52269353
Almennt verð: 19.995kr.



Brilliant

Brilliant

DALMA loftljós.
Kopar, E27, 30cm.

5.996 kr.

52269347
Almennt verð: 7.995kr.



STATUS loftljós.
Hvitt/plast, 5xE27, 41cm.

18.746 kr.

52266087
Almennt verð: 24.995kr.



Brilliant

OSRAM
LED kertapera.
6W, E14, 2400K.

596 kr.

54194622
Almennt verð: 796kr.

EMBLA loftljós.
Gler, E27, 25x21cm.

8.995 kr.

52238389
Almennt verð: 11.995kr.



Brilliant

BYKO

GERUM ÞETTA SAMAN



www.byko.is



AUD upphengi frá Nordlux sem hægt er að nota á óteljandi vegu með skrautperum sem eru til í miklu úrvali.



Alrun er klassísk hönnun frá Nordlux þar sem sótt er í retro innblástur frá 7. áratug síðustu aldar.



Nobb vintage hönnun frá danska framleiðandum Halotech. Ljósín gefa mjög notalega lýsingu. Þau fást í nokkrum gerðum og litum og kosta 7.995 kr. stykkið.

Fullt vöruhús af nýjum ljósum

Í ljósadeild Bauhaus má finna mjög gott úrval ljósa og lampa frá þekktum framleiðendum. Bauhaus skiptir út öllum ljósum tvisvar á ári og nú er vöruhúsið troðfullt af spennandi vörum.

Ljósadeild Bauhaus er ein sú stærsta sinnar tegundar hér á landi og býður upp á mjög gott úrval af ljósum og lómpum fyrir allt rými á heimilum og í fyrirtækjum. Aðstæður fyrir viðskiptavinum í vöruhúsinu, sem stendur við Lambhagaveg 2-4 í Reykjavík, eru frábærar að sögn Hrannar Hafliðadóttur, verkefnastjóra markaðsmála Bauhaus á Íslandi. „Þar erum við með tæplega 300 metra af hilluplássi og með yfir 3.000 vörunúmer. Öllum vörum okkar er ráðað eftir birgjum og því eiga viðskiptavinir okkar afar auðvelt með að finna það sem þeir eru að leita að.“

Bauhaus selur ljós og lampa frá yfir fimmtán framleiðendum og er Nordlux sennilega best þekkt merknið meðal þeirra segir Hrönn. „Nordlux er danskt fyrirtæki sem sérhæfir sig í skandinavískri hönnun. Auk þess erum við með nokkra sænska birgja, eins og t.d. Mark Sløjd og Aneta, austurríska birgja á borð við Globo og Eglo og svo að sjálfsgöðu okkar eigin þýsku framleiðendur.“

Ótrúlegt úrval

Hrönn segir helsta styrk Bauhaus vera þann að geta boðið upp á ótrú-

legt úrval af mismunandi ljósum og því ættu allir að finna eitthvað við sitt hæfi í vöruhúsinu.

„Við bjóðum nánast upp á allt saman; stílhreina skandinavíska hönnun, rómantíska sænska hönnun, kristallljós, kúpla, kastara, „vintage“ ljós, barnaljós, útiljós, vinnuljós, baðljós og skrautperur.“

Bauhaus skiptir út öllum ljósum tvisvar sinnum á ári og þessa dagana er vöruhúsið því stútfullt af nýjum vörum segir Hrönn. „Í haust er mjög mikið í tísku að vera með glerkúpla í reyklituðu og mattsvörtu með góðum skrautperum. Messing og gyllt er líka að koma aftur. Á næstunni munum við gefa út glæsilegan ljósabækling sem verður aðgengilegur á heimasíðunni okkar og í vöruhúsinu. Svo stýttist auðvitað

í jólavertíðina og Bauhaus verður án efa með langmesta úrvalið á markaðinum.“

Bauhaus er opið virka daga milli kl. 8 og 19, laugardaga milli kl. 10 og 18 og sunnudaga milli kl. 10 og 18.



Nýju ljósin frá Halo design eru glæsileg. MYND/ERNIR



Amonde vörulínan er skemmtileg nýjung frá Eglo sem kemur frá Austurríki. MYND/ERNIR



Belly ljósið frá Nordlux sækir innblástur í japanska tekönnu og fæst í þremur stærðum.



Vintage ljósin frá Eglo eru ein af vinsælustu ljósum Bauhaus og vekja alltaf lukku. MYND/ERNIR



Avra upphengi og skrautperur verða vafalaust vinsælar í vetur. Fást í nokkrum gerðum og litum.



Fallett ljós frá Nobb, þvermál 27 cm.

Og það varð ljós!

Ljós eru krúnudjásn heimilisins, þegar rétt er valið. Þau hafa góð áhrif á líf okkar og líðan, umvefja heimilið hlýju og skapa rétta stemningu í starfi og leik.

Ekki er langt síðan landsmenn keyptu sér 60 watta ljósaperur sem þeir skrófuðu í peru-stæðin til að fá ljós og voru sáttir við útkomuna því það var ekkert annað í boði,“ segir Einar Sveinn Magnússon, lýsingarhönnuður og verslunarstjóri Pfaff.

Nú sé öldin önnur og úrval ljósgjafa og ljóstækni rikulegt og stundum flókið.

„Góð lýsing veldur velliðan og réttri skynjun. Því þarf að vanda valið og staldra við í ljósakaupunum til að velja birtu sem hæfir hverri vistarveru fyrir sig. Er ljósið fyrir stofuna, eldhúsið eða barna-herbergið, eða á það að hanga yfir borðstofuborðinu þar sem börnin læra, við vinnum og höldum veislur? Þar þarf ljósið að mæta ólíkum þörfum og skapa rétta lýsingu við mismunandi tækifæri,“ útskýrir Einar.

Pfaff hefur um árabíl boðið viðskiptavinum ráðgjöf við val á ljósgjöfum heimilisins.

„Heimilið er það sem okkur er kærast á eftir fjölskyldunni og því þarf að vanda valið. Við ráðleggjum fólki eindregið að leita sér aðstoðar við val á lýsingu heimilisins og mætum heim til skrafs og ráðagerða. Nú til dags er varla hægt að stökkva til þegar kaupa þarf ljósaperu og þegar fólk kemur inn í ljósaverslun, fulla af framandi ljósa-tækni og búnaði, vakna margar spurningar. Því er mikilvægt að hugsa fyrir lífi og leik við val á ljósgjöfum heimilisins,“ segir Einar.



Einar Sveinn Magnússon, ljósaönnuður og verslunarstjóri Pfaff.

Hann bendir á að stundum sé einfaldast og ódýrast að byrja á lýsingu heimilisins til að gefa því fegurri blæ, og jafnvel geti verið nóg að skipta um peru.

„Ljós er ekki bara ljós. Hægt er að velja ljósaperur með tilliti til vinnu, leiks eða slökunar, með hvítri eða gulleitri birtu. Þá ræður ljós réttri skynjun okkar á rýmum og umhverfi, því við skynjum ekkert án ljóss, hvort sem það er dagsbirta eða rafmagnsljós. Birtugjafir hafa líka breyst mikið og eru ekki lengur bundnir við loftljós, borð-, vegg- og gólfampa, heldur má lýsa upp heimilið með litlum ljósum og LED-snúrum. Þá getum við lýst upp meira í dag vegna þess hve ljósaperur eru orðnar sparneytnari, úti og inni.“

Rétt lýsing geti gert kuldalegt húsnæði að hlýlegu heimili.

„Við mannfólkið verðum æ fróðara um það hvernig okkur líður og það er marganna að okkur líður betur í rétt og vel upplýstu rými. Litablær birtunnar hefur líka áhrif á líðan okkar og hægt að velja um kalda eða hlýja birtu eftir atvikum. Dæmi er kuldalegur kúpull í stofunni, sem gefur lýsingu eins og á körfuboltavelli, en um leið og komin er lægri lampalýsing verður stofan hlýlegri og hugguleg.



Handgerður spirallampi úr þunnum viði sem gæðir rýmið hlýju og fegurð.

Þróunin er okkur í hag og við getum ráðið miklu um ákjósanlega lýsingu heima fyrir; meira að segja stýrt henni í gegnum símana okkar,“ segir Einar.

Pfaff er með allt til heimilisins í ljósum og býður glæsileg, vönduð ljós frá heimspekkum framleiðendum.

„Skandinavíski stillinn er enn allsráðandi í ljósatískunni, en skemmtileg nýbreytni er að brjóta upp látlausan stílinn með einu, áberandi ljósi úr allt annarri átt. Þá verður ljósið stóra skartið í rýminu, punkturinn yfir í-ið, og gjarnan úr gulli eða kopar.“

Pfaff er á Grensásvegi 13. Sími 4140400. Sjá pfaff.is.



Discocó eftir Christophe Mathieu er eitt af frægari ljósumum í Pfaff. Það er dæmi um sláandi fegurð sem líka gefur fullkomna birtu. Hönnuðurinn skrófaði peru ofan við borðstofuborð sitt og limdi post-it-miða í kringum peruna þar til hann fékk ekki lengur ljós í augun en hárrétta birtu á borðið.

Birta hefur áhrif á heilsuna

Rétt lýsing skiptir miklu máli því hún hefur áhrif á velliðan fólks. Aftur á móti getur flóktandi ljós valdið höfuðverk og pírangi, að sögn Kristjáns Gunnars Kristjánssonar lýsingarhönnuðar.

Sigríður Inga Sigurðardóttir
sigriduringa@365.is



Lýsingarhönnun snýst um að ákveða hvar ljósið eigi að vera og hvernig því er stýrt. Mikilvægt er að huga vel að mannlega þættinum þegar kemur að lýsingu og hvaða áhrif hún hefur á heilsu fólks. Í stóru skrifstofuhúsnæði þarf t.d. að gæta þess að þar sé birtan notaleg en ekki truflandi fyrir starfsfólk svo öllum líði vel,“ segir Kristján Gunnar Kristjánsson en hann lærði lýsingarhönnun við Tækniskólann og hefur starfað í faginu um árabíl, m.a. hjá Lumex. Hann er nú búsettur með fjölskyldunni í Edinborg og starfar við að lýsa gamla kastala og eldri byggingar en hyggur brátt á flutning heim til þess að taka við stöðu fagstjóra lýsingarsviðs hjá verkfræðistofunni Eflu.

Lágstemmd lýsing vinsæl

Kristján telur að Íslendingar noti ljósið almennt rétt á heimilum sínum. „Ég hef tekið eftir að Íslendingar vilja gjarnan hafa lágstemmda lýsingu heima hjá sér og eru mikið fyrir kertaljós og kósi stemningu. Ég hef ekki tekið eftir því í öðrum löndum þar sem ég hef unnið, svo sem í Skotlandi og Sádi-Arabíu. Íslendingar vilja hafa

„Það má segja að um hver tuttugu og fimm ár sem við náum í aldri þurfum við að auka lýsingu í kringum okkur um 25 prósent til að halda í það birtumagn sem við skynjum, þetta þýðir að fólk þarf að auka birtuna, t.d. við lestur.“



möguleika á að dempa birtuna hjá sér en gæta þess vel að hafa vinnusvæði, t.d. í eldhúsinu, rétt lýst,“ segir hann.

Vanda valið

Sjálfur segist Kristján varla kveikja loftljós heima hjá sér en þess í stað kveikir hann heldur á lömpum. Hann upplýsir að ljós geti verið mismunandi og tækninni hafi fleygt fram undanfarna áratugi. „Áður fyrr keypti fólk glóperu sem hafði mismikinn styrk en í dag vilja flestir eiga þess kost að stjórna ljósinu betur. Díóður hafa verið að ryðja sér til rúms en ég mæli eindregið með að fólk vandi



valið á díóðum. Sumar þeirra gefa frá sér flóktandi ljós sem erfitt er að greina með berum augum, en lýsingin flóktir samt sem áður stanslaust. Það getur verið mjög óþægilegt og truflandi og valdið síþreytu hjá fólki,“ segir hann.

Meiri lýsing með hækkandi aldri

Með hækkandi aldri breytast þarfir fólk hvað varðar lýsingu.

„Það má segja að um hver tuttugu og fimm ár sem við náum í aldri þurfum við að auka lýsingu í kringum okkur um 25 prósent til að halda í það birtumagn sem við skynjum, þetta þýðir að fólk þarf að auka birtuna, t.d. við lestur,“ upplýsir Kristján.

Inntur eftir því hvort lýsing í litlum íbúðum eða stórum húsum eigi að vera mismunandi segir Kristján að svo sé ekki. „Hins

vegar er yfirleitt búið að skipuleggja lýsingu í minna húsnæði og allir lampar komnir upp. Þar er lýsingin oftast hugsuð út frá nýtni en ekki endilega fagurfræði. Skynsamlegt er að fá ráðleggingar lýsingarhönnuðar áður en lýsing er ákveðin, helst á meðan húsnæði er enn á byggingarstigi og það er ekki orðið of seint að breyta eða bæta. Í því felst oft sparnaður til lengri tíma lítið,“ segir hann.

Miklu máli skiptir að lýsing á vinnustað sé rétt svo starfsfólki líði vel.



Öll ljósin í versluninni eru dönsk og fást hvergi annars staðar á landinu. MYND/VILHELM

Viðskiptavinir setja saman ljós að vild

Í versluninni Amíru í Ármúla 23 fást loftljós, skrautljósaperur og lampar. Viðskiptavinir geta auðveldlega lagað ljósin að smekk og er hægt að velja lampaskerma, snúrur og perur að vild.

Verslunin Amíra, sem var opnuð fyrir þremur árum, sérhæfir sig í sölu á gæða sængurfötum, handklæðum, baðvörum og gjafavöru af ýmsu tagi. Þar fást líka húsgögn, borð, stólar og bekkir. Sömmuleiðis úrval fallegra loftljósa, ljósapera og lampna.

„Vörurnar eru allar sérvaldar frá hinum ýmsu Evrópulöndum. Ljósin eru öll frá Danmörku og fást hvergi annars staðar hér á landi,“ segir Guðrún Elín Guðmundsdóttir, eigandi verslunarinnar.

Hún segir mikið lagt upp úr vönduðum ljósum sem valin eru af kostgæfni. „Viðskiptavinir geta líka sniðið þau að smekk enda seljum við lampaskerma sér. Þá erum við með mikið úrval af skrautljósaperum frá Light Shine af hinum ýmsu stærðum og gerðum ásamt fjölbreyttum snúrum. Fólk getur því sett saman eigin ljós að vild.“

» Vörurnar í versluninni eru allar sérvaldar frá hinum ýmsu Evrópulöndum. Ljósin eru öll frá Danmörku.

Guðrún er með mikið af dyggum viðskiptavinum sem koma aftur og aftur. „Við reynum að halda verðinu viðráðanlegu og það kann fólk að meta.“

Allar nánari upplýsingar er að finna á amira.is



Í versluninni er hægt að velja lampaskerma, perur og snúrur eftir smekk og setja þannig saman eigið ljós.

Ljósaperurnar frá Light Shine eru afar vandaðar og eiga að endast í 25.000 klukkustundir.



Amíra býður upp á loftljós og borðlampa í úrvali.



Onion lamparnir (hér til hægri) fást bæði sem borðlampar og loftljós. Þeir eru í þremur litum. Verð 19.900 krónur.



Estano (til vinstri) fæst í tveimur stærðum og tveimur litum. Verð frá 21.900.

Upplifun hluti af hönnuninni

Kjartan Óskarsson, húsgagna- og innanhússarkitekt, segir grósku í íslenskri ljósaönnun. Hann sækir innblástur í gamlar vélar og vinnur gjarnan með hreyfingu í hönnun sinni.

Ragnheiður
Tryggvadóttir
heida@365.is



Ég sækir innblástur víða og hef til dæmis mjög gaman af að skoða gamla hluti, sérstaklega gömul tæki og vélar sem snúast en ég hef unnið mikið með hreyfingu og upplifun. Allir lamparnir sem ég hef framleitt undir mínu nafni hafa þennan hreyfanleika sem umbreytir ljósi eða ljósmagni,“ segir Kjartan Óskarsson, húsgagna- og innanhússarkitekt, en hann hefur getið sér gott orð fyrir hönnun ljósa.

Kjartan vann meðal annars Launch PAD á alþjóðlegu hönnunarsýningunni WantedDesign í New York árið 2015 og hefur tekið þátt í sýningum víða, nú síðast á London Design week. „Sýningar skipta okkur miklu máli því upp-



„Allir lamparnir sem ég hef framleitt undir mínu nafni hafa þennan hreyfanleika sem umbreytir ljósi eða ljósmagni.“



HALO LAVA „Það er mikil gróska í ljósaönnun og húsgagnaönnun almennt á Íslandi enda hefur þessi bransi breyst talsvert síðustu ár, um allan heim.“

HALO MIRROR
Kjartan vinnur gjarnan með við í hönnun sinni.



Retro ljós

með Edison peru (innifalin)
kr. 4.990



Glóey

Ármúla 19 · Sími 568 1620
www.gloey.is · gloey@gloey.is

Kjartan vann meðal annars Launch PAD á alþjóðlegu hönnunarsýningunni WantedDesign í New York árið 2015



Rafkaup
Ármúla 24 - s. 585 2800



HALO „Sýningar skipta okkur miklu máli því upplifunin er allt önnur en að horfa á hlutinn á ljósmynd.“

lifunin er allt önnur en að horfa á hlutinn á ljósmynd. Það er því yfirleitt mikið að gera hjá okkur á sýningum því flestir vilja prófa og upplifa virknina í ljósunum. Okkur hefur alltaf gengið vel,“ segir Kjartan. Beðinn um að nefna áhrifavalda úr hönnunarheiminum nefnir hann Achille Castiglioni og Zaha Hadid.

„Svo finnst mér Arik Levy mjög skemmtilegur. Annars finnst mér mest spennandi að fylgjast með þeim sem eru með lítil framleiðslu- og hönnunar fyrirtæki (Designer/Maker). Það er eitthvað svo heillandi að vera ekki bundinn stórum framleiðendum og njóta frelsisins,“ segir Kjartan. Það einkenni til dæmis íslenska ljósaönnun.

Gróska á Íslandi

„Það er mikil gróska í ljósaönnun og húsgagnaönnun almennt á Íslandi enda hefur þessi bransi

Ég er að vinna í nokkrum nýjum ljósum sem við ætlum að frumsýna í París í janúar, svo tekur Hönnunarmars við og í framhaldinu Mílanó og New York.

breyst talsvert síðustu ár, um allan heim. Minni fyrirtækjum sem eru að hanna, framleiða og selja sjálf hefur fjölgað mikið og Ísland er þar engin undantekning. Hér á landi fer þó kannski minna fyrir fyrirtækjum sem vinna næstum eingöngu að ljósaönnun.“


Hvað er fram undan hjá þér?
„Við erum að flytja í nýtt húsnæði uppi á Funahöfða 3 þar



FORESTER LAMP


sem við verðum með stúdíó og sýningarsal. Þar erum við í sambúð með Gústa og Ágústu í AGUSTAV sem er mjög spennandi. Næsta sýning sem við stefnum á er Masion&Objet í París í janúar, svo tekur Hönnunarmars við og í framhaldinu Mílanó og New York. Ég er að vinna í nokkrum nýjum ljósum sem við ætlum að frumsýna í París, bæði ljós sem falla inn í hugmyndafræði okkar og svo ljós sem eru einföld í framleiðslu.“

Nánar má forvitnast um hönnun Kjartans á www.kjartanoskarsson.com



Strap-loftljós. Hvítt eða svart með leðuról. 24 x 27 cm. 24.995 kr. 33 x 36 cm. 29.995 kr.

ILVA Korputorgi, s: 522 4500 www.ILVA.is
laugardaga 10-18, sunnudaga 12-18, mánudaga - föstudaga 11-18:30

 **Netgíró** 



Hollenskir blómapottar með lýsingu


Pottarnir eru með frábæru rafkerfi fyrir íslenskar aðstæður, þeir ganga fyrir sparperum og eyða því litlu rafmagni. Pottarnir taka sig vel út hvar sem er, hvort sem er fyrir heimili eða fyrirtæki. Hægt er að fá sérútbúnaðar festingar á pottana.



Fallegt úrval af ilmolíulömpum

Ilmolíulampar í öllum stærðum og gerðum.

Ilmolíulamparnir eru fyrst og fremst rakatæki sem hreinsa loftið, jónatæki, ilmgjafi ef vill og lítið fallegt ljós.




Ilmolíulamparnir fást nú með app-i í símann!

Hvergi meira úrval af ilm- og ilmkjarnaolíum.

Ilmkerti, ilmstangir, öðruvísi gjafavara, Bubblumaskinn og ýmislegt fleira.

Glæsilegir útilampar

- litlir og stórir.
- ganga fyrir batteríum.
- engar snúrur!



ZOLO | Hafnargötu 23 | 230 Reykjanesbæ
s. 588 6777 | www.zolo.is